

丹陽縣志補遺卷之三

城郭

內城 鎮湖門一名定波門今堵塞 姜寶記

外城 舊城存有小東門形家謂與外城氣不貫知縣

高聯登折之基址存公 張寰記

濠 明萬曆戊子年開浚西南城濠先時濠淺不通舟

楫知縣周應鼇深浚外濠深一丈五尺廣十丈餘自

西至東亘八里自是漕運由城外行城內無驛騷之

擾但練湖香草河二水並達外濠不入城內支河矣

縣署後定波門沿城一帶餘地謂之隍近為奸胥侵

丹陽縣志補遺

卷之三

城郭

一

佔乾隆十一年知縣高聯登清出隍外之河謂之濠

署後龍脈入首由此高令築堦十餘丈以接龍氣禁

止挖掘無許私佔 以上乾隆志城池

縣治

宋縣治在市西北淳熙丙午知縣章樾建寶祐甲寅知

縣胡夢高重構廳後二堂前曰德政後曰琴清軒一

曰近民兩廡吏舍各十楹為樓以架閣文字廳之前

為戒石亭譙樓之外為亭二左曰頌春右曰宣詔

元廳事頽敝至元癸巳達魯花赤忽辛令尹吳叔堅撤

而新之未竟忽辛滿代忻都繼之始成葉子春記

明洪武乙亥邑宰陳克明卽宋元舊署重修正堂幕廳
儀門兩廡譙樓樓門作旌善申明二亭宣德己酉知
縣張友齡重修成化己酉知縣蔡實作榜房十二楹
於儀門左右復建新堂爲燕休之所弘治壬戌知縣
張錦以縣後臨湖地曠帑藏屢警乃構屋二百餘楹
繚以土垣召募貧民居以衛之又置東西兩鼓樓

縣丞廳

見前志

舊在縣東南二里明洪武乙亥年知縣陳

克明修縣治移建縣署東

主簿廳

見前志

舊在縣東一里明洪武年移建縣署西

典史廳

見前志

舊在縣治東雲陽橋南後改爲館驛徙市

丹陽縣志補遺

卷之三

城郭

二

河之上元泰定二年尉薛天啟重建明典史廳在縣
署東

酒稅務

舊在縣治東百餘步宋嘉定中知縣朱天錫

重建嘉熙二年罷

稅課局

舊在縣東斜橋明洪武八年移太平橋久罷

以上乾隆志公署

行臺

都察院

見前志

戶部侍郎鄭紀記

前察院

見前志

因三聖院官基爲之正統六年知縣陳誼

縣丞葛良鼎建久廢 教諭杜儀記

府公館 在縣治西城隍廟右首舊為練湖書院明景

泰中同知俞端重建今廢以上乾隆志行臺

坊巷

許廟巷 在民義坊東巷北舊有許真君廟故名

橋梁

掩龍橋 見前 明靖難時建文皇帝泊舟於此視髮禮佛云

民安橋 去縣東一里元泰定間建俗呼王家橋得名無考即廣濟橋北妙覺寺西之橋也

紀家橋 去縣東一里因宋進士紀霖所居得名元至正間重建又呼孫家橋又名花橋

以上均錄康熙志

三思橋 見前 一名再思橋上有亭元大德年建教諭宦

丹陽縣志補遺 卷之三 橋梁

三

牧之記 亭今廢 清乾隆三年知縣胡映葵重修

冰清橋 見前 又名居家橋

廣濟橋 見前 舊名市西橋因水流入運河故名廣濟

太平橋 見前 一名富家橋又名胡公橋元至元間改今

名 蔡逢丹陽志胡夢高建橋之役浚深通至百餘丈可謂千載一時

土地橋 見前 因近陳司徒廟故名又名慶豐橋宋嘉泰

中重建 清乾隆十二年橋圯僧不移募建

七里橋 見前 知縣來汝賢有麥舟橋箴 清嘉慶問石殿撰蘊玉有麥舟橋記 見光緒志藝文

黃堰橋 見前 舊有堰

下琴橋 見前 相傳丁令威化鶴飛去土人拜求遺琴於橋畔故名橋跨白鶴溪下有泉清勝

他水邑人荆念閔有詩鶴飛華表已千年留得瑤
琴亦惘然祇有古橋流水外斜風小艇汲寒泉

德新橋 見前 志 先有竹塘橋三字類歐陽
率更書乃孫淑真筆也

丁橋 見前 志 以丁令
威得名

蝦渡橋 見前 志 相傳明武宗微行至此迷津忽有蝦壅
如橋渡焉故名雍正年間里人張斌舒

景等捐修

簡橋 見前 志 葛筠詩一曲清流泛短橈暮煙和水渡
平橋乘潮使者頻來去香餌誰能下綠

藻

九里橋 見前 志 又曰奈何橋明景泰辛
未年教諭陳力莘記

望仙橋 見前 志 有董墓漢董永傭力養親親歿就主人
貸錢一萬緡營葬道逢一婦求為妻與

詣主家織縑三百疋以償主一月而畢辭永曰我織
女也緣君至孝帝令助君償價言訖凌空去後人名

丹陽縣志補遺

卷之三

橋梁

四

其地曰董陂
橋曰望仙

泄橋 見前 志 以練湖蓄
洩得名 以上均錄
乾隆志

蕭郭橋 在永濟市蕭梁時建清道光三年
圯里人毛朝榮孫高松等重建

永豐橋 在皇塘鎮相
傳唐時建

導墅橋 見前 志 舊名荆溪橋明洪武間建
清嘉慶間荆楊二姓重修

三板紫石橋 在後朱巷東
相傳明代建

季河橋 在九里鎮明景
泰間改建石橋

咽喉橋 在季河橋南有
記勒石已仆

永濟橋 在李成澗俗名圩莊橋明萬曆間建
清道光間修一在川門橋北橫河上

師道橋 在呂瀆河明萬曆
間陳師道捐建

訪賢橋

見前志

清康熙二十八年吳維鎔改建石橋

曉麗橋

見前志

清康熙二十五年王啟昌王選等重建道光間丁榮琳王漢等重修

董巷橋

在仁信市石性堅硬產金鋼鑽

朱衣橋

在呂城南一里清雍正正間舉人萬青選建

寺前橋

一在縣治普甯寺前見前志一在縣西十五里祇林寺前清乾隆間建

東陽橋

見前志清乾隆二十七年人虞立案王志一等捐修

永嘉橋

在九里鎮一名太平橋清乾隆間重建

萬安橋

一在永濟市清嘉慶十四年吳允功朱德驊等改建石橋一在永豐鄉茅巷里花鰲龍丁紀大

等倡建

白虎橋

在永濟市清道光間吳姓建

丹陽縣志補遺

卷之三

橋梁

五

顧巷橋

在永濟市清道光十年陳祖毓汪夢鼎等募建

前觀橋

見前志一名彩鳳橋清咸豐間里人邵樹瑾募修

彩虹橋

在縣西十五里清咸豐辛巳里人邵樹瑾募建

紅騎橋

在縣西十六里全上

天寶橋

在縣東五十里白鶴溪清咸豐間圯里人重建

登雲橋

一在縣東藤村見前志一在天寶橋南二里清咸豐間圯里人重建

開壩堰埭

黃坭壩

在縣北二十里雍正初年重建

呂城鎮

在縣東五十里雍正初年重建

陳家橋

在九曲河口

嘉山閘 在縣東北大江入

黃塘壩 在珥瀆河

珥村壩 全上

博望堰 在縣東北三十里九曲河

麥埠堰 在縣東二十四里埭西有齊梁二陵今廢

中邱埭 在縣東四十七里元時置今廢

破岡瀆上埭上容瀆十六埭 並在延陵界

練湖上中下石閘三涵洞十二 在湖岸漕渠上

以上均錄乾隆志

鳳山閣 在永濟市清乾隆間僧廣華武慧就鳳儀橋遺址募建

丹陽縣志補遺

卷之三

開壩堰埭

六

附考證

宋陳東宅在南草巷 按乾隆志第宅門陳東宅在縣南三十里石城鄉越塘村

處落橋 按黃之晉呂城雜詠射虎慶亭意氣驕英雄事業付煙消至今虎落村邊路流水斜陽有斷橋

注鎮南有虎落村橋近村亦名虎落無疑處字誤 道士橋 按道士係導墅之誤

丹陽縣志補遺卷之三終